

Stjórn skal halda fundargerðabók, þar sem bóka skal allar ákvarðanir stjórnar varðandi stofnunina, svo sem ráðstöfun fjár, rekstur og allt það annað, sem meðferð fjármuna hennar varðar og máli skiptir.

Einfaldur meirihluti stjórnar ræður ákvörðunum innan stjórnarinnar. Stjórnunar-kostnaður greiðist af tekjum stofnunarinnar.

Stjórn hefir heimild til ráðningar starfsfólks eftir því sem rekstur stofnunarinnar gefur tilefni til.

#### 7. gr.

Fé stofnunarinnar skal vera í vörslu og ábyrgð stjórnarinnar. Reikningsár stofnunarinnar er almanaksárið. Gengið skal frá reikningi stofnunarinnar innan tveggja mánaða frá lokum hvers reikningsárs. Reikningurinn skal endurskoðaður af löggiltum endurskoðanda. Reikningarnir skulu birtir í B-deild Stjórnartíðinda.

#### 8. gr.

Skipulagsskrá þessari má breyta, ef það telst nauðsynlegt eða heppilegt vegna breyttra aðstæðna.

Engin breyting á skipulagsskránni fær þó gildi, nema stjórnin sé einhuga um hana. Aldrei má breyta ákvæðum 2. gr. um meginmarkmið stofnunarinnar né heldur ákvæðum 9. gr. um ráðstöfun á eignum hennar við slit.

Breytingar á skipulagsskránni skulu hljóta samþykki dómsmálaráðuneytisins.

#### 9. gr.

Verði stofnunin lögð niður skulu eignir hennar renna til Hafnarfjarðarbæjar eða annars sambærilegs aðila, sem fellur undir málaflokka þá, sem getur í 2. gr. reglugerðar nr. 748/1983 um frádrátt vegna gjafa til menningarmála og fleira eða reglna, sem síðar kunna að leysa þessa reglugerð af hólmi.

#### 10. gr.

Leita skal staðfestingar forseta Íslands á skipulagsskrá þessari.

## AUGLÝSING

### um breytingu á reglugerð um gatnagerðargjöld í Eskifjarðar- kaupstað nr. 267 26. júní 1985.

2. gr. orðist svo:

Af hverjum rúmmetra húss greiðist ákveðinn hundradshluti byggingarkostnaðar eins og hann er hverju sinni á vísitöluhúsinu, skv. útreikningi Hagstofu Íslands, svo sem hér segir:

Einbýlishús, með eða án tvíbýlisaðstöðu,	
lágmarksgjald reikn. af 450 m <sup>3</sup> .....	5.0%
Raðhús og tvíbýlishús .....	3.0%
Fjölbýlishús .....	2.0%
Iðnaðarhús .....	3.5%
Verslunar-, skrifstofu- og iðnaðarhús .....	4.5%
Opinberar byggingar .....	5.0%
Annað húsnæði .....	4.0%

Rúmmál húss skal reikna frá neðstu grunnplötu. Af kjöllum, jarðhæðum og rishæðum sem ekki eru notaðar til íbúðar eða atvinnurekstrar, svo og bifreiðageymslum, skal greiða hálf gjald.

Reglugerð þessi staðfestist hér með samkvæmt lögum um gatnagerðargjöld nr. 51 16. maí 1974 til þess að öðlast gildi þegar í stað.

*Félagsmálaráðuneytið, 5. nóvember 1986.*

F.h.r.

**Hallgrímur Dalberg.**

*Hólmfríður Snæbjörnsdóttir.*

Nr. 461

3. nóvember 1986

## **SAMPYKKT**

**um búfjárhald í Reykjavík.**

1. gr.

Búfjárhald er óheimilt í Reykjavík nema með sérstöku leyfi borgarráðs. Hrossahald er þó heimilt á þeim stöðum, sem borgarráð hefur samþykkt.

2. gr.

Sá sem hyggst sækja um leyfi skv. 1. gr. skal senda umsókn um það til borgarráðs. Í umsókn skal gera grein fyrir fjölda búfjárins, sem óskað er leyfis fyrir, hvernig geymslu þess skuli háttað og öðru, er máli kann að skipta.

3. gr.

Nú telur borgarráð, að skilyrði til búfjárhalds séu fyrir hendi og getur það þá veitt leyfi til tiltekins tíma, eða til óákveðins tíma með tilteknum afturköllunarfresti. Ef leyfishafi brýtur almennar reglur þessarar samþykktar um meðferð búfjár eða skilyrði leyfisveitingar, má afturkalla leyfið fyrirvaralaust.

Heimilt er að áskilja gjald fyrir leyfi til búfjárhalds í Reykjavík og rennur það í borgarsjóð.

4. gr.

Ef maður heldur án heimildar búfé, sem samþykkt þessi tekur til, skal lögreglustjóri hlutast til um, að það sé tekið úr vörslu hans og er heimilt að selja það á uppboði eða láta slátra því.

Sama gildir, ef leyfishafi gætir ekki settra reglna um meðferð búfjárins, þannig að það veldur tjóni eða óprifnaði.

5. gr.

Lausaganga búfjár er óheimil á öllum tímum í lögsagnarumdæmi Reykjavíkur neðan hinnar samfelldu vörslugirðingar sveitarfélaganna á höfuðborgarsvæðinu, þ. e. Reykjavíkur, Hafnarfjarðarkaupstaðar, Bessastaðahrepps, Garðabæjar, Kópavogskaupstaðar, Sel-tjarnarnesskaupstaðar, Mosfellshrepps og Kjalarneshrepps.

Framangreind vörslugirðing liggur frá sjó norðan Straumsvíkur, um Kaldársel, ofan Heiðmerkur, um Selfjall, Elliðakotsheiði, Miðdalsheiði og Seljadal í Mosfellsdal ofanverðan, að Leirvogsa og út Esjuhlíðar allt til hreppamarka við Kiðafellsá. Telst land ofan girðingarinnar til afrétta.